

GEMEENTEBULLETTIN

25 OKTOBER 2020



EREDIENSTE

IN DIE KERK

Oggend-en-gesinsdiens om 09:00 (ook aanlyn)

Jona 1-4 | Wat is jou Nineve? | Ds. Callie Visagie

KYK AANLYN NA DIE EREDIENS

Kyk aanlyn na die oggend-en-gesinsdiens wat om 09:00 direk uitgesaai word op www.stellenberg.co.za, of ons YouTube-kanaal. Die opname van die diens is vanaf 10:00 aanlyn beskikbaar en kan dan enige dag, of tyd gekyk word. Die Relevant-diens word om 18:00 direk uitgesaai.

EREDIENSTE TYDENS DIE SKOOLVAKANSIE

Tydens die skoolvakansie word slegs die oggend-en-gesinsdiens in die kerk en aanlyn aangebied. Die meditatiewe diens, asook die Relevant-diens sal na die skoolvakansie weer hervat.

VATVYF-AFSLUITING

Weens die inperking kon die groep die afgelope paar maande nie byeenkom nie, maar ons wil graag daarvoor vergoed met 'n lekker afsluitingsgeleentheid. Kom geniet op Maandag 2 November vanaf 09:30 tot 10:00 'n heerlike soetheid saam met drinkgoed by die Kersvreugde-winkel op die kerkterrein. Ons gaan buite onder 'n tentafdak sit. Bespreek teen Vrydag 30 Oktober by Karin 021 976 4519. Koste: R20 per persoon.

GEBEDSAKSIE

Die asemskep-gebedsbyeenkoms word elke Dinsdag om 18:30 in die kapel aangebied. Gebedsversoeke kan ook aan ds. René Potgieter by 079 893 8104 gestuur word.

DAAGLIKSE

STEMBOODSKAPPE

Indien jy graag na die daaglikse boodskap ('n stemopname deur leraars) op jou selfoon wil luister, stuur asb. 'n

WhatsApp met jou naam + stemboodskap na 083 611 4720. Jy

sal dan op die verspreidingslys geplaas

word en die stemboodskap daaglik op

jou selfoon ontvang.

Geen gemorspos nie.

GEBEDSVERSOEKE

Stuur asb. 'n WhatsApp aan ds. René Potgieter by 079 893 8104.

STELLENBERG SE KERSVREUGDE-WINKEL

- Besoek die KERSVREUGDE-winkel vanaf **28 Okt. tot 7 Nov.** in die saalkompleks.
- Weeksdag: 09:00 tot 18:00 en Saterdag: 09:00 tot 16:00.
- 160 uitstallers wat dekoratiewe items, juwele, gebak, deliproducte en Kersgeskenke vir die hele gesin verkoop.
- Wegneemetes, o.a. die immergewilde afval en hoenderpastei wat deur Malita Joubert, bekende spysenier van Moorreesburg, voorberei word.
- Lekker koffie, cappuccino's en iets vir die soet tand.
- Daar sal heelwat sitplek buite wees indien 'n mens graag jou wegneemete op die terrein wil geniet.
- Geen toegang sonder 'n masker en streng Covid-19-protokol geld.
- Betaal asb. met krediet-, debiet-, of Kaapse verbruikerskaart.

EDELWEISS-BEDIENING

Op Sondag 25 Oktober om 17:30 word 'n huisdiens in plaas van Nagmaal, by Edelweiss aangebied.

Skriflesing en tema: Prediker 3 – Het elke ding nog 'n vaste tyd?
'n Diens word om 17:00 in die versorgingseenheid aangebied.

Edelweiss Bybelstudie begin weer op Donderdag 5 November om 14:30 in die eetsaal. Daar sal net een byeenkoms wees.

VERF VIR APOSTELBATTERY-KAMPTERRAIN

Tydens die inperking het die Apostelbattery-kampterrein groot finansiële verliese gely a.g.v. besprekings wat gekanselleer moes word. Die kampterrein se onderhoud benodig aandag en daar is veral lokale wat geverf moet word. Skenkings van verf sal waardeer word. Enige kleur of tipe verf is welkom. Bydraes kan by die kerkkantoor afgegee word.

STELLENBERG ONDERSTEUNING- SENTRUM

SOS bied berading en mediasiedienste deur professionele persone aan. 'n Kliniese sielkundige, spraak- en arbeidsterapeute, 'n besigheids- en lewensafrieter, asook 'n musiekterapeut se dienste word aangebied. Maak gerus 'n afspraak by 021 976 8029 (09:00 tot 13:00) of stuur 'n e-pos na sos@stellenberg.co.za

VOEDSELHULP

Indien jy tot die uitgebreide voedselbediening wil bydra, kan jy 'n elektroniese oorbetalingsrekening na ABSA-tjekrekening 145 058 0011, takkode 632005, maak. Gebruik *hande en rande* as verwysing.

'N KERS VIR DIE TIENDEMAAND

- Ons nooi gesinne om een wit kers per gesin te neem as 'n herinnering aan hulle tiendemaandbydrae ter ondersteuning van die gemeente se werksaamhede. Neem 'n kers wanneer jy eredienste bywoon, of haal dit by die kerkkantoor af, of skakel die kantoor by 021 976 4519 om aflewering te reël.
- Steek die kers aan saam met 'n spesiale ete, terwyl jy Bybel lees en bid, of om 'n geliefde, wat nie meer met jou is nie, se lewe te herdenk.
- Indien jy bereid is om in jou onmiddellike woongebied kerse aan lidmate by hulle huise uit te deel, kontak asb. vir Odette by 021 976 4519/odette@stellenberg.co.za. Ons wil graag vir soveel as moontlik van ons lidmate van 'n kers voorsien.
- Tiendemaandbydraes kan elektronies oorbetaal word na: ABSA, tjekrekening 145 058 0011, takkode 632005, met verwysing: tiendemaand. Kontantbydraes kan in 'n gemerkte koevert in die kollektiebord gesit, by die kerkkantoor afgegee, of in die beveiligde posbus by die voordeur van die kerkkantoor geplaas word.

Elkeen moet gee soos hy hom in sy hart voorgeneem het, nie met teensin of uit dwang nie, want God het die blymoedige gewer lief.

2 Korinthiërs 9:7

VOORBIDDING

Sonya Lamprecht, Raphaelsingel 2, was in 'n ernstige motorongeluk terwyl sy by haar dogter in Gauteng gekuier het. Sy sterk tans by haar dogter in Krugersdorp aan, maar moet nog heelwat toetse ondergaan om vas te stel of sy breinskade opgedoen het. Bid asb. vir haar en haar man, Johann, wat nou alleen tuis is.

NUUS PER E-POS OF OP JOU SELFOON

- Ontvang die bulletin weekliks, asook die skakels na eredienste per e-pos, deur jou e-posadres aan sanel@stellenberg.co.za te stuur.
- Sluit by die WhatsApp-groep aan om die bulletin en die skakel na die oggendiens op jou selfoon te ontvang, deur jou naam, van en selfoonnommer na 083 611 4720 te stuur.

AANLYN

ADVERTENSIEBLAD

In die Samaritaan-advertensieblad op www.stellenberg.co.za word produkte, verskeie dienste, woonplekke en werkseleenthede, geadverteer. Advertensies sonder 'n foto kan teen R50 per maand geplaas word en die met 'n foto teen R100 per maand.

Stuur 'n e-pos aan sanel@stellenberg.co.za.

FINANSIËLE BYDRAES

EFT-betaling

Dit kan oorbetaal word na
ABSA-tjekrekening 145 058 0011,
takkode 632005.


Kontantbydraes

Kontantbydraes kan by die
kerkkantoor afgegee word, of in
die beveiligde posbus by
kantoor se voordeur geplaas
word.

SnapScan



Dankoffers en Kollektes



MET LEEDWESE

Ons neem afskeid van Frederik Christoffel (Chris) Moolman, gebore 1/02/1941 en oorlede op 16/10/2020. Chris was sedert 1986 'n lidmaat van Stellenberg. Ons meegevoel met sy vrou, Debbie, Amandastraat 13, wat hy agterlaat.

AANLYN SAMARITAAN

In die aanlyn Samaritaan-advertensieblad op www.stellenberg.co.za word produkte, huishoudelike dienste, onderrigdienste, dienste in die leefstyl- en skoonheidsbedryf, woonplekke, werksgeleenthede, asook gesondheidsdienste geadverteer. Besoek gerus die blad op www.stellenberg.co.za om te sien wat in jou omgewing beskikbaar is. Advertensies sonder 'n foto kan teen R50 per maand geplaas word en die met 'n foto teen R100 per maand.